



Broj:

Sarajevo, 01.07.2024. godine

Na osnovu člana 47. Zakona o radu ("Službene novine Federacije Bosne i Hercegovine", broj: 26/16, 89/18 i 44/22), člana 10. Odluke o platama i naknadama u organima Grada Sarajeva ("Službene novine Kantona Sarajevo" broj: 4/23 i 14/24), članova 16. i 33. Pravilnika o radnim odnosima državnih službenika i namještenika u organu uprave Grada Sarajeva i stručnim službama Grada Sarajeva broj: 01/04-30-2260/23 od 27.02.2023. godine, i člana 49. Poslovnika Gradskog vijeća Grada Sarajeva ("Službene novine Kantona Sarajevo", broj: 28/09, 11/20 i 19/20), Administrativna komisija Gradskog vijeća Grada Sarajeva, na 80. sjednici održanoj dana 01.07.2024. godine, donijela je

*Radni materijal*

## **RJEŠENJE**

### **o prekidu korištenja drugog dijela godišnjeg odmora za 2023. godinu**

1. Prekida se korištenje drugog dijela godišnjeg odmora za 2023. godinu Benjamine Karić, gradonačelnici Grada Sarajeva, utvrđeno Rješenjem broj: 04-GV-04-818-7.2/24 od 14.06.2024. godine, **sa danom 18.06.2024. godine**, zbog odlaska na službeno putovanje.

## **O b r a z l o ž e n j e**

Pravni osnov za donošenje rješenja sadržan je u članu 47. Zakona o radu („Službene novine Federacije Bosne i Hercegovine”, broj: 26/16, 89/18 i 44/22) u kojem je propisano da uposlenik, za svaku kalendarsku godinu, ima pravo na plaćeni godišnji odmor u trajanju od najmanje 20 radnih dana. Članom 10. Odluke o platama i naknadama u organima Grada Sarajeva propisana je nadležnost Administrativne komisije.

Godišnji odmor je pravo i obaveza da se iskoristi u toku kalendarske godine. Godišnji odmor može se koristiti u dva dijela, s tim da se prvi dio godišnjeg odmora koristi bez prekida u trajanju od najmanje 12 radnih dana, a drugi dio najdalje do 30. juna naredne godine. Korištenje godišnjeg odmora može se privremeno prekinuti u slučaju kada je to neophodno radi izvršavanja neodložnih službenih poslova.

Gradonačelnici Grada Sarajeva je Rješenjem broj: 04-GV-04-818-7.2/24 od 14.06.2024. godine utvrđeno pravo na korištenje drugog dijela godišnjeg odmora za 2023. godinu, kao i termin korištenja istog.

Budući da je za vrijeme korištenja drugog dijela godišnjeg odmora za 2023. godinu imenovana morala prekinuti korištenje preostalog dijela godišnjeg odmora zbog odlaska na službeno putovanje, pristupilo se donošenju Rješenja o prekidu korištenja drugog dijela godišnjeg odmora za 2023. godinu.

Cijeneći sve naprijed navedeno, riješeno je kao u dispozitivu ovog Rješenja.



**Pouka o pravnom lijeku:**

Protiv ovog rješenja imenovana ima pravo izjaviti žalbu Komisiji za drugostepeno upravno rješavanje Gradskog vijeća Grada Sarajeva, u roku od 15 dana od dana prijema Rješenja.

**Predsjedavajući Administrativne komisije**

**Jasmin Ademović**

**Dostaviti:**

- Imenovanoj,
- Administrativnoj komisiji,
- Gradskoj službi za finansije,
- Personalni dosije.